

cium, coronalis uenę origo etiam apparebit: cui si stylum ex molli plumbo indideris, quo nam pacto cordis basin cingat, ramosq; in ipsius corporis superficiem deriuat, obseruabis. Hic uel lim quoque ex uenę cauę amplitudine stylum in uenam coniuge destitutum inderes, ipsius a cauā originem, ridiculamq; nostrorum Asculapiorum rationem consideraturus, qui in octo utriusque lateris inferiorum costarum inflammatione, Hippocratem non mittendum esse sanguinem asseruisse affirmant, quod cor ex uena sine pari sanguinem adeo rapiat, ut nihil sanguinis missione ex uena hac educi possit. Quasi uero nunc tibi secanti non longē esset clarissimum, cor in sanguinis missione, inflammatis octo inferioribus costarum interuallis nihil obstare, ac proinde sanguinem tunc quoque mittendum: & Hippocratem non adeo fuisse stupidum, ut octo humiliores costas sub septo transuerso esse arbitratus fuerit, & inflammationem huius sedis ad clauiculam usq; etiam tensionem producere ignorauerit. Verum hic sermo ne præter institutum ad meum de uena in laterali morbo secanda placitum longius expatietur, retinendus uenit: quanquam mehercule nunquam magis hac de re sententiā quam præsentibus uenis indagandam arbitrer, non autem citra uenarum cognitionem solis autorum distortis suffragijs cruedam. Porro simulatque coniuge carenti uenę stylum immiseris, oblongus crassusq; baculus cauę uenę est imponendus: quem quum absque negotio rectā per cauiam ad inum usque uentrem protruseris, quā bellē Galenus & ceteri dissectionis professor res huc usque hallucinati sint, discas, qui cauam ex iecoris gibbo uno caudice enatam similiter ac magnam arteriam in duos trūcos, quorum hic inferiora, ille uero superiora petit, diuidi censerunt. Verum hæc quum iecur aggredieris, uisurus es explicatius, quanquam nihil prohibet, modò septum transuersum ē corpore quantum poteris resecare, iecurq; in sinistrum latus adeo reflectere, ut posterior ipsius sedes in conspectum ueniat: ac ubi baculum a uenę cauę sede quā cor spectat ad eam usque regionem qua renibus uenę offeruntur, detrusum aliquandiu in uena seruaueris, animaduertisq; iecoris substantiam toti cauę posteriori sede non obduci, cultello secundum baculi longitudinem ducto cauam diuides, ac uenarum a cauā iecori exporētārum ora inuestigabis. Dein ijs qui nimium pertinaciter in Galeni Anatomes professorum primarij uerba iurauerunt appellatis, singula ipsius argumenta de uenarum ortu resumes, atq; studiosos ne ex commentarijs nauigare discant, hortaberis, unicam ueritatem, non uerò autoritatem, illosq; in cathedra gestus commendans. Porro sectione rursus ad cor conuersa, digito aut stylum in elatiori dextri sinus sede arterialis uenę orificium inquires, & illi intruso cultello, ex dextro uentriculo aliquouſque in arterialem uenam sectionem duces. Qua facta, sanguineq; si quis erit eluto, uisui se arterialis uenę orificium simul cum suis membranarum offert: quas, ut exactius contempleris, stylo attolles, eodemq; arterialis uenę ductum in pulmones examinabis. Tunicę etiam ipsius ex quibus arterię instar conformatur, facillē uidentur, modò quis ductā iam sectionis lateribus labris ue animum adhibuerit. Sinistrum cordis sinum similiter longa sectione a sinistrae auris radice ad cordis usque mucronem facta aperies, & sanguinem perinde ac in dextro exterges. In hoc ipsius primū intuebere amplitudinem, deinde cordis substantię in hac sede crassitiem, postmodum stylo duas arterię uenalis orificio præpositas membranas facillē adinuenies, ac qui in uicem in cordis constrictione conuincant, obseruabis. Ut uero exactius se offerant, cultello uenalis arterię ori immisso, sectionē in ipsius usq; cavitatem molieris, ac ad aperto distentoq; ore membranas denuo contemplare, plumbeo stylo uenalis arterię in pulmones primas distributiones inquirens. Magnę autem arterię orificium, & membranę ipsi præfectę inuenientur, si post alteram arterialis uenę membranā, quę cordis sinum septo uicinior est, digito in elatissimā sinistri sinus regionem protruseris. is namque magnam subibit arteriam, & dein cultello secundum digito in arterię orificium intruso, ex cordis sinu sectionem in arterię amplitudinem duces. Quando enim hanc tentaueris, & arterię magnę membranas in ipsarum sede, quā uasis corpori incumbunt, inspexeris: coronaliū arteriarū ortus tibi occurret: adeo ut nunc nihil in corde spectandum tibi sit reliqui, nisi fortē illo uariē dissecto, ipsius substantiam & arterię magnę arterialisq; uenę dissectis radicibus, os inquirere statueris, quod cordi priuatim ab Anatomes professoribus ascribitur. Si igitur nullum os præter cartilagineas dictorum modò uasorum radices adinuenieris, illas a reliqua cordis substantia resecabis, ut simul cum cartilaginibus clauicularum articulationibus peculiare ad ossium compositionem referuari recondiq; ualeant. Corde in hunc modum abiecto, asperam arteriam (seruata interim larynge) examinabis, primū quidem ipsius cartilagineas & membranas, quibus illę inuicem colligantur: & dein ipsius primam in pulmones seriem, qua inuenta, aliquam pulmonum fibrā integrē a reliquis pulmonibus absecabis, ac in uenę arterialis ramum, & arterię uenalis & asperę ramos stylum intrudes, & diuulsa pulmonis membrana horum ramorum

Cauę uenę ortus examē.

Arterialis uenę orificij ac membranarum examē.

Sinistri cordis sinus ipsiusq; uasorum membrana examē.

Cartilagineę cordis substantię examē.

Asperę arterię.

Pulmonis.

rum propagines, distributionisq; naturam inuestigabis. ad quod mirificē conduxerit undeunque rupta lobi illius membrana, ipsum inter duos asseres adeo comprimere, ut pulmonum substantia a suis quibus obnascitur uasis abscedat. Licebit modò aspera arteria ab ipsius capite diuisa, eaq; deorsum a stomacho tracta, pulmones omnino ē thorace auferre, & stomachi progreſsum adinuenire, qui citra aliā sectionē pulmone reiecto, unā cum neruis sexti paris illum amplexatibus, cōspectui seſe offeret. Tamen ut neruorū in uentriculi orificiū seriem intuearis, septum transuersum a stomacho liberandū est, ipsaq; insertio, si uentriculus adhuc in corpore asseruatus sit, indaganda. Insuper foramine alicubi in stomacho quā collum perrepat factio, fistulaq; illi indita, uentriculum quā poterit maximē inflari curabis, & deinde stomacho iuxta laryngis radicem diuiso, illum cum uentriculo, aut solum, si prius uentriculum ademeris, ē corpore trahes, glandulis illis qui in medio ipsius ferē ductu plurimum consistunt, similiter examinatis. Iam quoque tempestiuū esset (nisi id prius præstitisses) iecur a septo transuerso secernere, ac tan dē ex corpore auferre, quod ubi feceris, ipsiusq; formā diligēter contemplatus fueris, cultello uenę cauę iam flaccidę indito, hanc lōga sectione aperies, ut exactē pateat ipsius per iecoris substantiam transitus, deinde ramorum a cauā in iecur ingressus. Vbi itaq; duo præcipua illorum uideris orificia, alteri stylū quā poteris penitissimē indes, & ablato uenę portę quo iam antea eam intercepisti uinculo, illius quoq; ramo secundum uenę cauę styli ductū in iecur procedenti alterum stylum immittes, & postmodum obtuso cultro iecoris substantiam ab illis ramis, qui stylos cōtinent, niteris abraderē, ut uenarū per iecoris corpus seriē, ipsiusq; substantiam discas, ac demum inter duos qui stylis distenduntur ramos bilis uesiculę meatulos obserues, & bilis uesiculam a iecoris corpore erasam inuertas, solamq; sedulō contempleris. Postremō uenę ab umbilico in iecur deductę ingressum, insertionemq; expendes, mente thoracis uertebrarum corporibus adhibita, ut cultello grandem arteriam secundum longitudinem aperias, ramorum quos utrinq; in costas spargit uisurus orificia. Deinde ramis illis dissectis, arteriam ex corpore adimito, & uenę coniuge carentis propagines expendito, ut & hanc quoque a uertebrarum corporibus liberes. Modò tibi in propatulo est sexti paris neruorum cerebri ramus, qui radicibus costarum exporētus sub tunica costas succingente ad organa a peritoneo circumplexa cōtendit. Vt uero neruulos cernas, quibus ramus ille adaugetur, a thoracis uertebris tunicam costas succingentē detrahes, ut costas pariter hac nudatis, quę modò recensuimus conspiciantur. Ceterum ubi a costas tunica thoracis cavitatem succingentem ita diuulseris, cultelli mucrone ad costas os proximē adactō tunicam obseruabis, quę priuatim singulis costas obuoluitur. eam dico, quam secundā costas succingentē tunicā nonnulli dissectionū periti nuncuparūt. Absolutis ad hūc modū omnibus quę peritoneo & tunica costas succingente inuoluunt, si uisum fuerit, quā poteris apuſsimē costas in suas sedes reponere conaberis, & osse pectoris quoq; cum cartilaginibus ipsi coarctatis assumpto, & clauiculis etiam in suam sedē repositis, quā licebit studiosissimē musculos eos quos iam antea ab insertionē pendere sinebas, suis locis situabis, primū dico thoracē mouentiū, primū brachij motuū opificem, scapulę motorū primū, eum qui a pectoris osse & clauicula in mamillarē capitis processum fertur. Quod ubi præstiteris, ea prorsus serie quam in secūdo libro docuimus, omnes brachij & scapulam mouētes musculos ex altero latere aggredieris: mox omnes qui thoracis motibus præfunt, & qui capitis ac dein dorſi motibus famulantur, postremō temporalem & masseterem. cubiti enim & brachialis, digitorumq; motibus subministrantes musculos licebit post cerebri anatomem dissecare. Neq; est quod hic prolixē commemoratos musculos licebit post celatim recensere, quum id ita diffuse in secūdo libro factum esse minimē ignores. Ceterum in altero cadaueris latere uasorum neruorumq; seriem licebit sedulō exquirere, quum id factū sit facillimum, si illorū descriptio te nō lateat, in musculorumq; sectione probē uersatus sis. quanq; & ego manus uasorum neruorumq; administrationē, ut puta paulō difficiliorem, etiam postea perlequar. In præſenti autē os adeundum est. & quandoquidem iam faciei omnia extrinsecus persecutus es, ut id aperias necessum est. quod nulla ratione facturū es melius, quā robusto cultro infimę maxillę inferioris sedi sensum appposito, & postmodum huius, malleiq; opera maxillę inferioris osse diuiso. Verum ad eum modum ossa quę sceſeto præparādo alioquin apta essent, propter fractam inferiorem maxillā uitias. & si illa maxilla illam in altero latere in suo sunt administrare proposueris, sectionis claritati utcunque oberis. Quapropter diuiso, ad eum quem dixi modū, osse, primū fortioris cultri dorſo diuisioni imposito, illoq; postmodū obliquo, ossa inuicem modicē dirimes: ac deinde utroq; singulis manibus apprehēso, extrorsum deorsumq; ut torquebis, osq; aperies. Deinde ē narium foraminibus obliquatum instar sypho

Stomachi.

Iecoris.

Examē costę quę uertebrarum corporibus exporētuntur.

Musculorū brachij, scapulę, thoracis, caput, dorſumq; mouentiū examē.

Temporalis et masseteris.

Ossis apertio organorūq; in faciebus posteorum examē.